

باچر بالحزن أندب كفيلي الراح
ولنّ الصوت منّه يا أخويه صاح
ذبّ امن المهر نفسه عليه وناح
حط راسه ابجبره وهالته لجراح

دليلي تفتت وذاب

وبصدره السهم ما ظنتي ينزاح
بليّا راس عالرمضه انچتل من طاح
بظلام الليل وحشه وألم ويّه نياح
شفت روس الأحبه فوگ اعالي ارماح

أخويه اويه الحبايب

يعباس استمع نوحى اومر لعتاب
دهنتي كربلا المنّي خذت كل شاب
وجسام الولد دمّه براسه خضاب
وچم طفله يتيمه تحتوشها اجناب
فجايع سعّرت نار ابصدر لطياب

بگيت اويه النساءين

هلال البين ريته لا طلع أو لاح
يجيب الماي لكن حاطته العدوان
جاه حسين شافه مرمي عالتربان
تخوصر عالعضيد وهاجت الأحزان

كسر ظهري هالمصاب

وابو اليّمه أشوفه يندبح عطشان
صريع امجدّل ابحرّ الثرى عريان
رعب وايتام عنها غابت الوليان
يوم احدعش ريته لا إجا اولاً بان

عفير اعلى الترايب

أناشد ما أحد ليّه يردّ اجواب
دگوم بصارمك ردنه الأرض لحباب
علي لكبر الأمّه ظنّها منّه خاب
وعبدالله الطفل دامى ابحر لترايب
عدو جاير بلا رحمه حرق لطناب

گضوا كلهم مطاعين